



Reykjavík 12. júlí 2021

Niðurstöður könnunar- og matsferlis hjá Landsbankanum hf.

Fjármálaeftirlit Seðlabanka Íslands (Fjármálaeftirlitið) leggur mat á áhættuþætti í starfsemi fjármálafyrirtækja í könnunar- og matsferli (e. Supervisory Review and Evaluation Process, SREP) og með hvaða hætti fjármálafyrirtæki meðhöndlar þá í starfseminni, sbr. lög nr. 161/2002 um fjármálafyrirtæki. Hjá þeim fjármálafyrirtækjum sem metin eru kerfislega mikilvæg fer slíkt mat fram árlega.

Í ferlinu er meðal annars lagt mat á viðskiptaáætlun, stjórnarhætti, útlána- og samþjöppunaráhættu, markaðsáhættu, rekstraráhættu, lausafjár- og fjármögnunaráhættu og álagspróf. Við mat á þessum áhættuþáttum er stuðst við [Almenn viðmið og aðferðafræði vegna könnunar- og matsferlis hjá fjármálafyrirtækjum \(SREP\)](#) sem byggja á viðmiðunarreglum Evrópsku bankaeftirlitsstofnunarinnar (EBA) um sama efni. Þá var einnig höfð hliðsjón af ýmsum öðrum viðmiðunarreglum, þ.m.t. sameiginlegum viðmiðunarreglum EBA og Evrópsku verðbréfamarkaðseftirlitsstofnunarinnar (ESMA) um mat á hæfi stjórnenda og lykilstarfsmanna.

Könnunar- og matsferlið leiðir til niðurstöðu um það að hve miklu leyti þær ráðstafanir sem hlutaðeigandi fjármálafyrirtæki hefur gripið til vegna áhættuþátta séu nægjanlegar, hvort stjórnun þess sé traust og hvort eiginfjárgrunnur sé fullnægjandi með hliðsjón af þeim áhættuþáttum sem felast í starfseminni. Á grundvelli könnunar- og matsferlisins hefur Fjármálaeftirlitið meðal annars heimild til að mæla fyrir um hærra eiginfjárlutfall en sem nemur hinu 8% lögbundna lágmarki, endurbætur á innri ferlum, niðurfærslu á eignum við útreikning á eiginfjárgrunni, hömlur eða takmörkun á starfsemi hlutaðeigandi fjármálafyrirtækis og að dregið sé úr áhættu sem starfsemi þess felur í sér. Þá getur Fjármálaeftirlitið komið ýmsum athugasemdum og ábendingum á framfæri í ferlinu.

Landsbankinn hf. skilaði Fjármálaeftirlitinu mati sínu á eiginfjárförf, miðað við 31. desember 2020, með svokallaðri ICAAP/ILAAP-skýrslu í mars 2021. Í kjölfar móttöku skýrslunnar hófst Fjármálaeftirlitið handa við að kanna efni hennar og greina upplýsingar sem þar komu fram og afla frekari upplýsinga auk þess sem byrjað var að leggja mat á helstu áhættuþætti í starfsemi bankans. Fjármálaeftirlitið sendi bankanum drög að niðurstöðum könnunar- og matsferlisins um miðjan júní 2021 og fékk bankinn tækifæri til að koma á framfæri andmælum, sbr. IV. kafla stjórnarsýslulaga nr. 37/1993. Andmæli bankans bárust síðar sama mánaðar. Fjármálaeftirlitið hefur nú lokið þeim þætti könnunar- og matsferlisins sem snýr að mati á eiginfjárförf og sendi Landsbankanum hf. bréf um niðurstöðuna í júnílok 2021.

Viðbótarkrafa um eiginfjárgrunn Landsbankans hf. (Stoð 2-R)

Niðurstaðan var að Landsbankinn hf. skyldi frá 30. júní 2021 viðhalda viðbótarkröfu um eiginfjárgrunn sem nemur 3,5% af áhættugrunni. Viðbótarkrafan kemur til vegna útlána-, mótaðila- og samþjöppunaráhættu og markaðs- og fastvaxtaáhættu, auk áhættu vegna rekstraráhættu, sem ekki var nægjanlega tekið tillit til við útreikning á grunnkröfu um eiginfjárgrunn (stoð 1). Viðbótarkrafan skiptist þannig að almennt eigið fé þáttar 1 skal nema að lágmarki 2,0% af áhættugrunni og þáttur 1 í heild skal nema að lágmarki 2,6% af áhættugrunni.

Viðbótareiginfjárfrafan kemur til viðbótar grunnkröfu um eiginfjárgrunn og samanlagðri kröfu um eiginfjárauka:

- Grunnkrafa um eiginfjárgrunn (stoð 1) nemur 8% af áhættugrunni. Af kröfunni skal almennt eigið fé þáttar 1 nema að lágmarki 4,5% af áhættugrunni og þáttur 1 í heild skal nema að lágmarki 6% af áhættugrunni.
- Samanlögð krafa um eiginfjárauka nemur 7,4% af áhættugrunni og skal henni vera að fullu mætt með almennu eigin fé þáttar 1. Samanlögð krafa um eiginfjárauka tekur mið af samsetningu innlendra og erlendra áhættuveginna eigna, sem er ólík á milli banka.

Heildarkrafa um eiginfjárgrunn Landsbankans hf., á samstæðugrunni, nemur því 18,9% af áhættugrunni og samanstendur af grunnkröfu um eiginfjárgrunn, viðbótarkröfu um eiginfjárgrunn og samanlagðri kröfu um eiginfjárauka.

Því var komið á framfæri við Landsbankann hf. að við mat á eiginfjárförf verði að líta til atvika sem mögulega geta komið til síðar. Enn ríkti óvissa um eignagæði vegna áhrifa heimsfaraldurs kórónuveiru en sterk eiginfjár- og lausafjárstaða bankans myndi gera bankanum betur kleift að koma til móts við þá óvissu. Því væri mikilvægt að bankinn gætti áfram fyllstu varfærni í starfsemi sinni.